

Tranferant bis sex rapida vertigine menses,  
 Et celer actus erat variis sudoribus annus;  
 Tempus erat, quo ferre soles Auguste racemos,  
 Cum citius solito portarunt agmina mustum,  
 Declarantque patres cœptas cum litibus iras,  
 Quas prædatorum tumidi movere furores.  
 Vulgus ab introitu captæ regionis, & ante  
 Quam populus quicquã superaret bellicus urbis,  
 Collectam passim prædam de rure trahebat,  
 Dumque viri fortes muris tormenta pararent,  
 Ignarum vulgus studium fornacis agebat.  
 O quantis studiis panes venduntur, & illud,  
 Unde monetati replent marsupia nummi!  
 Post hæc ex spoliis, quæ comportarat in unum  
 Alphæus populus, movet anxia turba fufurros,  
 Et repetit partes, partiri capta recusat;  
 Hi quibus interiùs lacerat Majorica mentes,  
 Neve moram facerent spoliis retinentibus illis,  
 Partibus in tutis prædam posuere carinæ.  
 Solvuntur classes, freta remis eruta spumant,  
 Vela tument Zephyris, liquidas rapit aura  
 præcellas;  
 Adveniunt Baleam Latii comitatus, & illi,  
 Qui propter Baleam cœlestia signa tulerunt.  
 Est sinus haud modicus Balææ de partibus Austri,  
 Portus instar habens, ubi cornua bina videntur,  
 Per bis mille decem quæ sunt distantia passus.  
 Replet utrumque latus Libyco de litore raptus  
 Pontus, & Arctoas finem distendit in oras.  
 Quoque ponit finem sinus, hic de parte sinistra  
 Urbs antiqua fuit raris habitata colonis,  
 Unde feræ gentes ab Iberis finibus actæ,  
 Navigio celeri duce præcedente Moalfac  
 Christicolis pulsus plures posuere penates.  
 Hic ubi lata stetit celsis Majorica muris,  
 Insula distat ab hac brevis, & per millia quinque,  
 Quæ complexa sinu lævæ stat proxima terræ.  
 Portus ad hanc latus, Rhodum vicinia dicit,  
 Urbis ab hoc possunt sublimia mœnia cerni,  
 Ob quam Pisani tantos habuere labores.  
 Illa dies lætis populis octava refulsit,  
 In qua felicem Matrem super astra recepit  
 Virgineus partus, de qua Deus est homo factus,  
 Parva venientes quæ congregat insula puppes,  
 Luxque sequens fuit hæc, qua Christus morte  
 resurgens  
 In mundo genitis vitam dedit, atque salutem.  
 Hac de plebe viri lætices haurire volendo,  
 Navibus egressi per rus gradiuntur inermes;  
 Ast equites regionis erant in valle latentes,  
 Qui peditum plures incautos aggredientes  
 Truncarunt gladio, quosdam cepere, suisque  
 Duriter adstrictos secum duxere capistris.  
 Hinc cum Consulibus proceres tristantur, &  
 omnes.  
 Tum Petrus Antistes populos hortatur ad ista:  
 Tartareos aditus properavit vestra voluntas,  
 Dixit, & ostendit Balearica mœnia dextra.  
 Captus ibi fateor vester pius atque Creator,  
 Dicitur in membris; quis non pugnabit, ut ipsum  
 Eruat, ipsa licet mortem sibi bella minentur?  
 Vos tamen in bello lethum nolite timere,  
 Nonnisi pro bello vitæ quia poscitur auctor,  
 Atque dator vitæ, cunctis qui præparat usum,  
 Et qui pro nobis Crucis est in stipite fixus,  
 Cum captis captus nunc permanet, atque ligatus,  
 Ut det opem vincētis, trahat & de nexibus ipsos.  
 Qui captum Dominum pugnamve relinquit a-  
 gentem  
 Iustè damnatur, dignè privatur honore,  
 Et manet infamis semotus ab urbe, foroque.  
 Hoc & Boso pater, præsul quoque Caralitanus,  
 Comparibus verbis, lachrymisque fluentibus  
 addunt.

A His dictis sedet in transtris festina juvenus,  
 Et placidas molitur aquas, in carbasa ventus  
 Perflat, & amotis fulcatur navibus æquor.  
 Non volucres tanta pennæ levitate feruntur,  
 Quanta rates levitas pacata per æquora veſtat.  
 Miratur Balææ Populus candentia vela,  
 Et defixa tenens in classem torva tyrannus  
 Lumina, dat lachrymas magno cogente dolore.  
 Inde metum reprimens quotquot rexisse putatur  
 Permixti sexus educit ab urbe catervas,  
 Ut latè visus venientes terreat hostes.  
 Totque licet turmas sparsas per rura viderent  
 Audaces quorum commoverat insula mentes,  
 Haud trepidare valent, quos spes præclara  
 fovebat.

B Pineæ sylva fuit quæ lata patebat arena,  
 A muris Balææ seu per sex millia distans,  
 Ex qua parte suo Titan petit æthera curru,  
 Cui palus & Pontus geminum arguit unda  
 recessum

Ortus, & Occasus: nemoralia rura petenti  
 Tutum dant aditum, loca Ramora commemo-  
 rantur,

Sive Forena quidem, plures dixere Catinos.  
 Hic ubi plana citæ tenuerunt æquora proræ,  
 Educunt propter equos, properantibus arma  
 Sumit, & ignotæ lustrat loca cernua terræ  
 Bellator Populus, quem iustior ira movebat.  
 Qui sibi commissas aliquas habuere cohortes,  
 Dispositas ipsas sectari signa jubebant.

C Post hæc Regis eques rarus progressus ab urbe,  
 Jam castris positum vidit de collibus agmen,  
 Quem Pisanorum rapidus comitatus equestris  
 Ipsum dulcis aquæ fugat usque secutus arenas,  
 Qui torrens Luidis solet in regione vocari.  
 Nox redit: excubias faciunt vigilantia castra,  
 Eximiamque satis fulgentia sydera noctem,  
 Reddunt, signa Polus demonstrat nocte sub illa:  
 Stella cadens divisa comas per mille videtur,  
 Dispersum Balææ signat diviso Regnum.

Ad Baleam, clamat Populus, nos fidus ad illam  
 Crinitum properare monet, properare, potenter  
 Est superare datum nobis Balearica Regna;  
 Syderis in Baleam radios cecidisse videtur.

D Lux rediens fuerat, qua Sancti Bartholomæi  
 Festa celebrabat læti devotio Mundi,  
 Purpureus Titan radiis fulgebat, & aura  
 Nulla fuit, quasi lac placidi maris unda jacebat,  
 Admonet Alphæus ductor, rectorque Pyrenes  
 Ordinibus factis aliquantum castra movere:  
 Quemque sequi sua signa monet, sit promptus  
 in armis

Qui cupit alterius, dixit, conquirere fines.  
 Paruit haud monitis istis avidissima belli  
 Gens, & torrentis modò dicti transit oras  
 Classis, & ad campos vicinos mœnibus urbis  
 Plenius egressæ fixerunt castra cohortes.

Explicit Liber Quartus.

#### INCIPIT LIBER QUINTUS.

SPECTabant acies avidæ certamina Martis,  
 Unde suum quisquis pugnans concurrat in  
 hostem.

Barbaricus campus Mauris, dirisque Nigellis  
 Densus erat, clypeos alii tenuere rotundos,  
 Pars adoperta fuit captis Latialibus armis,  
 Tunc cum Pisanas quoniam piratica cepit  
 Turba rates, monstratque suos gens torva vigores.  
 Hinc tunc procedens natus Bellonius Ugo  
 Mauretisque simul, gyro rapiuntur equestri,  
 Pri-